



0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司 No. 6230







102270

















偶然草詩集

卷四

五湖何謙吉梅



七言律

春日讀史

三○月○晴○光○春○未○闌○  
讀○書○原○不○為○彈○冠○  
古○今○忠○孝○留○青○史○  
天○地○文○章○真○大○觀○  
百○卉○共○花○同○日○麗○  
千○秋○隔○世○細○心○看○  
尼○山○一○字○存○褒○貶○  
莫○謂○春○秋○賞○罰○寬○

喜雨

旱○魃○為○災○農○事○頽○  
乾○坤○生○意○忽○然○迴○  
山○嵐○雲○氣○排○天○上○  
雷○兩○秋○聲○動○地○來○  
士○女○慶○同○歌○大○有○  
黍○苗○從○



此重栽培呼童盡煮粥頭酒笑共田夫醉幾回

雪人

玉質亭亭映碧紗。遍身寒素向誰誇。冰心一片憐  
孤影。冷眼雙懸看大家。總爲肝腸真雪白。却教鬚  
鬢盡霜華。生來未識人溫暖。獨立階前。月正賒。

金陵懷古

江東形勝亦天然。憑弔千秋恨轉綿。赤壁火偏生  
孟德。合肥水不流苻堅。江河空下。一船淚。代禪虛  
傳。將伯賢。世世千戈稱亂。陸中原。幾見祖生鞭。



金陵宮闕草。空。得江山在。眼中。伏臘幾更新。  
正朔。前。秋。誰。弔。昔。英雄。興。亡。大。抵。尋。常。事。月。日。何。  
須。問。老。翁。附。孝。陵。丘。纍。纍。高。低。孰。辨。是。王。公。

明諸將墓

明祖功臣多血戰。孝陵附葬滿荒山。共開帝業萬  
千里。分得皇家尺寸間。金鼓不鳴松楸冷。春秋無  
主鬼神閒。冬青夜月空千古。無數寒鴉自往還。

燕子磯

千尋石壁水湯湯。此日登臨意渺茫。燕子飛空磯  
上月。金陵埋盡氣無王。江湖奔注還朝海。蘆荻參



差入戰場倦眼不堪頻俯仰全將愁思付汪洋

二

金陵稱號幾番更燕子磯畱終古名登眺草迷瓜  
步路低徊目斷石頭城江聲鼓角同悲壯雉堞丹  
雘一片平倘得此磯表萬里果然天險絕紛爭

漂母祠

英雄未遇無知己一飯哀來進食忝恩過漢王寧  
望報識先蕭相在微時淮陰年少原無目楚國重  
賸總曠萬古王孫多小遺只今漂母一荒祠

二



王孫貧困。小音。饑餓英雄。痛不禁。一飯進來無  
限音。千金。酬去豈知心。且憐落魄。爲豪傑。何在成  
名。可占。今漂。識君君不識。高人萬古薄。淮陰。

姑蘇懷古

夫差血戰。臣勾踐。越女傾吳。不用兵。霸業圖成。歌  
舞至。美人情重。國家輕樓臺。有地烏啼。月環珮。無  
聲柳。囀鶯萬古。江山渾未改。至今猶見。闔閭城。

二

相國夫椒。報構李父仇。未滅氣先盈。伍員賜去。吳  
宮劍。范蠡興來。越國兵茂苑。春歸芳草盛。橫塘月。



下夜歌清不堪俯仰悲千古每到胥門心倍驚

餘杭懷古

越地輿圖僻一方。高宗南渡老餘杭。江湖形勝非  
京雒。花柳風光過汴梁。漠北父兄生死恨。胥門孫  
子古今傷。一從浙水爲都會。議戰應知宋亦亡。

九日

去年此日登高去。還憶家鄉意甚饒。共上池山人  
盡與。獨思故國望中遙。黃花漫發秋知老。紅葉飄  
零寒正騎。四顧漫漫烽火盛。將軍誰似霍嫖姚。

胥門弔古



匡門宋帝泣。逃津南北江。山總是塵宗。祖芟袍加  
檢點。子孫白水死。真人秀夫海澤精。忠在文相零  
正氣新。最。是。白。陽。同。殉。難。吁。嗟。禽。鳥。識。君。臣。

二

匝地塵氛逼海濱。汴杭沙漠宋無親。匡門風浪埋  
天子。華夏君臣作水神。霧色看來晴欲雨。潮聲聽  
去淚沾巾。杜鵑。葛嶺。還啼血。夜夜三更哭古人。

合江亭晚眺

一山屹立在江洲。百尺孤亭萬水收。波撼石頭騰  
半壁。月分亭畔湧雙流。殘碑剩字埋幽徑。漫野平



蕪入暮秋。可恨陣雲難極目。江東不見使人愁。

武侯祠懷古

丞相祠堂萬古幽。森森松柏向炎州。天教權操乾  
坤圻地限西南。蜀漢畱一統。欲收先魏賊。千秋遺  
恨失吳仇。只從劍外星辰墜。已識江山不姓劉。

二

奇才司馬亦嗟吁。巾幗千秋辱丈夫。蜀虎畏來猶  
有魏。臥龍歸去并無吳。三分成敗君終始。一相存  
亡漢祚幾開濟。威靈餘廟貌。羈人憑弔獨踟蹰。

荊州懷古



壯繆全師出襄鄧呂蒙行詐製荆疆不知大義尊  
劉室忍口稱臣魏王八世低徊傷往昔江山經  
歷幾興亡千秋吳魏今誰在惟有悠悠楚水長

二

東吳志在收全楚屈節曹瞞侵漢疆搖櫓白衣權  
得計沉江鐵鑊皓終亡廢興城堞千秋在唇齒干  
戈萬古傷假令孫劉同北伐不教王濬下荆揚

弔徐天池

儒雅吾師數命違蕭條異代總都非時流軒冕稱  
才子古道聲華着布衣湖海琴書隨便老乾坤霜



雪欲何歸先生事事風流絕一世雞窗未奮飛

遣懷示張集庭

富貴文章不兩全孤懷肯乞世人憐輸他富貴終  
身去贏得文章萬古傳出語豈能驚海內杜門漸  
喜絕塵緣丹砂那許飛昇便清淨人間第一仙

夔州懷古

晉朝王濬真名將破浪樓船下蜀東鐵索千重皆  
斷鎖長江萬里幾更風荆襄據得瞿塘險吳越由  
來巫峽通當此山川都未改古今形勝一般同

感雪



十年笑看三千戈况復飄零雨雪多一望乾坤浮  
玉壘五更鼓聲寒銀河飛鴻已絕寒雲外鷓鴣頻  
抵白浪過低首故山兒及弟圍爐酌酒念吾麼

深秋咏懷

縱然一醉忘愁去酒欲醒時愁亦醒竹葉何能消  
積悶菊花依舊笑飄零十年客子三秋淚萬里征  
人兩鬢星名利久無關念處不知何故跡如萍

送郭非木東歸

論交未久見生平忽唱驪歌萬里行話別五更聲  
已咽相思他日淚先盈乾坤滿目皆秋意風雨疎



林送客情我亦江東歸未得十年空自筭歸程

感懷

敝裘金盡欲何之彷彿當年季子時  
客况幾經滄海變人情真似北山移  
三更風雨思鄉杳萬里關河入夢遲  
潦倒天涯鬚鬢老十年詩酒總淒其

鄴中懷古

魏武奸雄亂世評惜哉未在暴秦生  
阿瞞同逐當時鹿韓信難言善將兵  
當與重瞳爭智勇豈教赤帝獨縱橫  
世臣炎漢欺孤寡一字春秋萬古評

贈金仙鳳草廬落成以成菊水韻



諸葛當年駕戰車何如堅臥在茅廬千秋身世多  
成。一榻蕭然任卷舒王粲無家還落魄淵明有  
酒讀藏書五湖何日好蓑裏慚愧先生已卜居

○碧雞山

天涯遊子自栖栖獨上晴峰弔碧雞方士虛傳勞  
漢使才人空復到雕題大都山色看來碧那有維  
聲聽處啼只見楊公碑尚在年年畱照夕陽西

○金馬山

千秋禋祀未曾傳金馬名題在漢年神馭未歸天  
厩去孤峰空並玉京懸青葱豈有金銀氣高曠偏



宜騎射翮憑弔不堪多往昔平湖一望滿前川

• 昆明池

長安上苑一池開萬里羈栖滇水隈漢主旌旗空  
夜月梁王波浪動春雷水將天色千秋白人聽濤  
聲百慮灰瞬息滄桑皆入幻漁舟只趁好風

• 陟山

匝城嵐岫盡巍然獨有陟山高插天俯瞰下方形  
欲盡平臨上界勢將連百蠻起伏推君兵萬嶺飛  
列後先放眼高山最高處翻疑昆海變

五華山 永曆故宮



五華殿闕草芳菲一道紅牆映夕暉望裏山川全  
以眼前若若幾曾非千秋離黍應同慨一  
鳥獨自飛明月不隨人世換至今猶照故宮扉

○重遊安阜園

舊時亭榭草芊芊興廢名園在眼邊人去樓臺空  
落照春來花鳥見當年莫傷幾日成今古到得  
秋無後先盤古以前多歲月不知大地幾更遷

○重登安阜園樓閣

巍樓層閣宛如前此日登臨憶昔年百入雲端綴  
亭沼平當海色見山川畫龍依舊新堂切空閣仍



收望月圓記得舊遊多未改恐難重到更畱連

山居

數椽茆屋少村鄰萬疊山中澗水濱靜倚老松泉  
細響高吟閒院月初新無煩曆日知寒暑不問朝  
廷是漢秦一榻蕭然忘世慮義皇千古豈無人

七月十五夜哭祭先君亡弟

中元天外想音容濕透冥衣淚重痛弟只看前  
手錄思親惟有及泉定寸心久已灰身此此後何  
須吉凶湯斷九迴難一面人間他世再相

八月十四夜月



懸知明日是中秋。今夕如何頓起愁。明月早圓萬  
目外。羈人不睡五更悠。他鄉皓魄憐孤影。清  
光照白頭。此際不堪無限恨。明宵何言。吾憂。

中秋

由來客夜未全眠。況是中秋不夜天。大地河山全  
見影。誰家歌吹落愁邊。病中對月八千里。旅邸  
鄉十六年。照盡世間多缺陷。如何蟾兔獨團圓。

同張菊水僧郢雪九月六日五華山登高次

韻

登高却未到重陽。支遁相將共徜徉。非敢先期三



日至應知逢節五華忙散開秋雨烟無迹洗盡山  
光菊亦黃白雪紀遊多絕調全將風景付詩囊

漫成

江湖飄泊將衰老幾日浮生不盡窮強自放懷尊  
酒在每憑寫照律詩中少陵沒世皆憂患王粲  
家竟始終自古才人多不偶慚予愚昧亦相同

二

絕無生事縛吾身却綦南天望北塵鴉馬一聲空  
山前昆明四季三春少來作客鄉音變思  
家魂夢頻豈是不歸歸便得畱連萬里漫傷神



負溪亭小酌

從。店。城。郭。囂。煩。處。溪。外。亭。池。意。自。殊。幽。境。列。來。瓦。  
漢。魏。琴。樽。樂。去。自。唐。虞。桐。陰。不。落。三。冬。葉。菊。蕊。還。  
同。九。月。蘇。醉。盡。高。陽。天。下。士。興。堯。金。谷。酒。能。沽。

滇南春梅冬臘大放卽事感懷

窮。愁。客。子。老。無。家。萬。里。遲。留。天。一。涯。南。詔。不。來。西。  
北。雁。春。梅。滿。放。臘。冬。花。車。書。宇。宙。皆。王。土。瘴。癘。山。  
川。異。物。華。畢。竟。故。園。風。景。好。何。年。歸。去。話。桑。麻。

始皇

始。皇。計。拙。誅。豪。傑。天。下。兵。端。自。此。開。四。皓。先。生。入。



山去八千子弟渡江來詩書未盡當時火宮殿延  
燒一片灰不是繁刑嚴法令何由逐鹿出羣材

志隱

茅舍無隣山水涯秋鴻春燕弄晴沙滿窗蕉葉疎  
行竹遶屋梅花幾樹茶閒著詩文消歲月忙看塵  
世笑烟霞赤松黃石高千古猶怪虛名落漢家

咸陽懷古

山來三輔說雄風百二山河亘古同秦漢廢興都  
項上隋唐得失在關中銅駝空自叢荆棘  
能認故宮莫嘆阿房一楚炬鎬京千載亦成空



蜀中懷古

勢三巴萬險間陰平鄧艾竟踰關  
縋兵真是從天下輿觀空教出涕  
潛玉壘古今多戰色錦江羈旅嘆  
愁顏英雄千載何人在深矣峩嶺  
不老山

二

劍閣凌霄不易過巫江直似瀉銀  
河如天信極而川險此地何爲興  
廢多沃野全平鋪蔓草蒼生大半  
劫干戈回思往昔皆傷感歸去烟  
波理釣蓑

負溪亭雅集看山茶聽琴分得江字

名花滿放溪亭畔飛燕新粧倚碧  
窗雅集淹留看



竟日賞心忘却在他邦  
伯牙萬古存知己  
工部千秋孰得雙  
艷質品題空  
六詔何年携種到  
三江

別吳懷玉之葉榆

時懷玉將歸漢水

決志同歸漢水涯  
誰知南詔去途賒  
蒼山暫作依人計  
昆海何嘗是我家  
倦羽思還勞夢寐  
他年畢竟共烟霞  
多情莫負從前約  
先種林逋幾樹花

贈蒼山太守王美堯

時美堯署分藩篆務

世心胸冷似冰  
侯門垂老肯趨承  
中郎倒屣迎王粲  
節使虛懷禮少陵  
容我賤貧從脫畧  
多君富貴不驕矜  
布衣無可相酬贈  
窮後詩文或一能



○ 點蒼石

有丘有壑有亭池。片石開天一畫師。不假丹青傳  
象。無煩筆墨寫幽奇。月翻團扇懸峰外。雲起深  
山出岫遲。千古米顛如到此。也應坐臥不相離。

蜀相

出師章奏不堪聞。千古純臣孰與君。湯武再興賢  
宰輔。漢唐絕少大將軍。功名自是標青史。精爽還  
應怨白雲。豪傑幾多無寸步。先生何必恨三分。

感懷

多病衰殘獨黯然。無端天外漫留連。不知涕淚從



何下祇覺傷心失壯年舊院花開誰見落異鄉愁  
到酒爲緣離騷空抱千秋恨窮達由來命有權

旅懷

縱有心胸鬚鬢老絕無歸計旅顏開每看牛斗思  
鄉國常見江南人去來朋友十年星散盡風塵一  
劍氣全頽滿懷多少難言事獨坐深更嘆幾回

送輪奐上人歸寒溪

滇飄泊任西東雪滿蒼山識遠公聽講未如頑  
石點飯依頓覺幻身空寒溪歸去千江月震澤還  
辜一笛風何日烟波尋舊隱錢唐衣帶片帆通



十年心地冷如灰况送寒溪萬里回江左不隨杯  
去滇西那更錫飛來蒼峰老雪埋寒暑秋思鱸  
魚下舊醅師到綠蘿應臘底春風須寄一枝梅

九日同張集庭三塔寺登高

異鄉同調自相憐一路黃花蕭寺前三塔再登重  
九日五湖歸夢十多年尺歌亂唱寒波外雪巘平  
埤烟雨連搖落幾回傷歲晚徘徊萬里暮秋天

寄懷周漢威

天涯幾度見梅開還憶廬陵送汝回去歲花枝仍



爛熳懷人風雨滿蒼苔十年春草荒三徑萬里朋  
情腸九迴別後知君情似舊相思常得夢魂來

贈孫振先

千古黃金交道親憐君十載未移真美髯自昔多  
肝膽白首相知少縉紳眼不入時應閉戶才非經  
世稱長貧叔牙不爲齊威請

振先於蒼山王太守處爲子推轂那

識已吾別樣人

贈武定王太守式廬別有天書齋

太守風流清且賢半椽別築寢樓邊遙知琴鶴幽  
閒地疑是婁娟離恨天掩映山嵐來翠黛分明官



舍有神仙輞川自是多題咏摩詰由來天下傳

贈鎮南岑刺史聲九

剛方識面久知名豈爲維桑誼始真氣薄雲霄空  
宇內情孤湖海獨君親歸來刺史三秋思欲托狂  
夫百歲身分得東門田十畝圃成瓜熟不辭貧

觀瀑

銀河傾下勢如奔萬丈珠簾掛翠屏劍壁插天飛  
日月石帆破浪走雷霆風濤直到深山上天地何  
嘗頃刻寧高枕幾曾能穩臥五更猿叫不堪聽

遣懷



浮雲世事孰爲真詩酒開懷論古人富貴絕無百  
歲客文章不受萬年貧韓辭幾個生前賞杜律齊  
稱死後神但得聲名傳奕葉何如臺閣畫麒麟

煬帝離宮

春花歲歲爛楊州煬帝行宮占北丘一代佳人歌  
舞地千秋佛子藏經樓楊家何憾更爲李隋室從  
前本是周廣死別無遺恨事麗華獨未遂風流

題李友雲閒草堂

縱居輿馬囂塵處亦共雲林邃奧同花竹匝圍新  
草閣鳳凰爰集碧梧桐武侯梁父長吟日李泌神



仙事業終早見衡山歸隱意更教千載想隆中

送趙拱薇東歸次韻

春風遊子唱驪歌愧我蹉跎負薜蘿一路踏花歸  
故國三年作賦動關河臨岐落日愁無限不盡傾  
盃淚滴多明月再携何處手常將佳句獨吟哦

酬許巨山未晤投贈詩章

英雄尚論求知已况乃同心不異時情可左羊猶  
隔面詩如李杜轉深悲腸於冷落人偏熱夢入相  
思寤轉疑寤語風流許丁卯周郎何日識鬚眉

贈沈霖武



投荒萍跡廿餘年何意遐陬到大賢莫逆豈由新  
識面相思那有舊因緣才名易犯乾坤忌骯髒難  
逢人世憐三寸且畱能強飯與君同泛五湖船

咏梅寄沈介石

萬卉爭趨春暖發只君獨破歲寒芳幽香僅許蘭  
爲友勁節惟應菊可方自有冰肌侵月色絕無枝  
葉藉風光山中應得高人賞遙與先生進一觴

○ 同闕東白沈霖武張集庭李雪菴李又召讌

集草堂次霖武韻

乾坤正氣未全埋杯酒同澆磊落懷天馬自將龍



共友雲鵬應與鶴爲儕不須然諾盟方寸已識終  
身性不乖醉後放歌齊倡和庭前黃鳥亦啾啾

贈山屋上人

遠公得道反平平悟透無情見至情自有金剛身  
不壞肯同流俗說無生芒鞋踏破乾坤大竹杖衝  
開烟雨行誰似淵明能解脫相逢一笑結嚶鳴

頌布袋和尚示水壑上人

老僧布袋盛何物俗語相傳載古今日月不過虛  
眼目乾坤那用問升沉衆生自有如來意普渡徒  
煩觀世音一笑果然能了事最堪受用是披襟



重遊安阜園次韻

無情草木闌春華不怕乾坤風雨賒  
藍輦十年魂夢過朱門一片黍離遮  
名葩舊院今誰賞低首當時日已斜  
千騎霓旌隨輦轉何嘗輸與洛陽花

○ 同許大觀察無功闕東白張集庭遊黑龍潭  
簇簇旌旄擁外臺平當潭水看滌洞  
神龍疑是乘雲去靈族猶然鼓鬣來  
摩盪九天陰白晝孤雲一閣老蒼苔  
沙痕全沒欄杆石應有仙人跨鶴回

○ 長春觀

只今山水不模糊眼底神仙鼎地蕪  
豈是黑龍歸



碧漢相將白鶴去，  
玄都耐消劫火梅。  
無恙歷盡寒霜柏，  
未枯鳳閣鸞臺。  
青草遍，何人重整舊丹爐。

妙高寺

妙高山寺連霄漢，  
遠近參差入望同。  
上界一開無礙眼，  
下方萬彙似微虫。  
波平昆海蛟龍伏，  
身列青天星宿中。  
塵慮頓消羈旅客，  
鐘聲直出梵王宮。

九日同張集庭螺山登高

天涯何處望鄉臺，  
樽酒襟懷知己開。  
看菊易生家國恨，  
登高痛飲弟兄杯。  
千山風雨秋光老，  
萬里關河寒色來。  
衰颯鬢毛堪逐數，  
怕吹烏帽落蒼苔。



贈滇提軍諾建東

半生拓落絕無羣甘老高山臥白雲節使虛懷天  
下士布衣長揖大將軍不矜尚主椒房貴直繼前  
人麟閣勳萬里兵民全付託先生何以答明君

贈張集庭

四海同風笑我癡何期有二識鬚眉共披肝膽都  
無異獨到文章各有私裘帶時流才自別丘園吾  
黨拙相宜可憐乞食隨人意未種桑麻已白髭

二

才子風流那不宜先生四海幾人知縱談寒雨更



深處挑盡殘燈淚落時隨意新詩偏別樣信天生  
計有何思全輸世上千般巧滿眼風光酒一卮

送許大觀察無功陞任豫藩

無功臘月在滇起身

帝念中州風欲頽先生真是濟川才滇民刑措于  
公去汴水波澄名伯來隨地盡沾車下雨清風作  
伴馬前梅南天鎖鑰非容易節度旌旄定自回

○ 哭張集庭

撫棺一慟淚如泉偏是才人不永年身世全歸三  
尺土精靈應訴九重天古今幾見逃生死壽夭無  
過爭後先未了胸中多少事最傷心處付徒然



二  
一生懷抱誤終身  
僅得文章泣鬼神  
才子有詩名  
不朽鄙夫失友老  
誰親孤兒何日成  
門戶兄弟全  
貧都衣鶉無限傷  
情言不盡  
路人哀動淚沾巾

贈王登山

廿年魂夢杜襄陽  
今日論文意氣揚  
才子虛懷詩  
更細鄙夫垂老興  
尤狂悲歌吾道逢  
知己傾倒樽  
前盡熱腸鵬鸚乘  
風秋在目知君車  
笠不相忘

沸珠泉次韻

何年靈虬伏山窩  
萬顆千金湧碧澗  
泉激上噴如



沸鼎水從低瀉似懸河世人黃白收藏密天地珠  
璣拋撤多自古龍宮珍寶聚零星不欲更畱他

二

照乘從來萬古傳如何亂湧出清泉散歸綠野爲  
霖雨不許朱顏作翠鈿才子詩成真玉潤神龍心  
喜貢珠圓一擎掌上同流水恐結人間剖腹緣

贈白都督西星

豪傑從來半出秦年高猶未畫麒麟世間誰具英  
雄眼識得吾兄國士人劒氣不離牛斗宿陰符欲  
葬楚江濱晚成大器千秋事開濟還須仗老臣



贈張都督子衡

逢君千載想留侯，豪傑當時第一儔。  
學就家傳黃石法，功成身許赤松遊。  
風塵天地空人老，雪白肝腸不自謀。  
莫謂年高湖上隱，渭川釣叟聖王求。

弔故昆明令張滌園并贈孝子叔宜諸昆季  
純孝君家真有人，弟兄無愧滌園身。  
血流溼地都成碧，袖足清風不負親。  
赴奠上官爭獻爵，奔喪赤子盡沾巾。  
爭輸廉吏靈輻，賻莫辨鄉城官與民。

二

公子含悲竭力辭，士民號慟競投遺。  
共言杜母能



生我罔極天恩當報茲哭盡失聲腸欲斷人都罷  
市世如癡千秋合享南滇祭時滌園已入名宦祀萬姓兒孫  
盡孝慈

有感示徐德淵王子京

把臂歡然盡比鄰生平肝膈幾能親吾儒自合安  
其素天道從來且耐人身世言多難寡過文章靜  
處獨傳神不因歷盡滄桑變那識人間友道真

感懷

啼笑風塵未敢真孤懷每欲獨家村世人誰不干  
年計吾道幾無一息存魂夢傷心悲自語詩篇失



口醉稱尊此生早悟無生理悔有餘生問子孫

中秋

月光何苦太澄清○照得愁人分外明○天上獨看蟾  
兔影○鄰家耐聽管絃聲○故園萬里無歸計○半世中  
秋在客程○公道從來推造化○團團樂事足他生○

遣懷

今古乾坤一弈枰○爭衡機巧孰能平○生○浮○百○歲○終  
須老○死○落○千○秋○幾○有○名○貧○逐○世○難○賢○者○避○愁○驅○酒  
用○聖○人○清○放○懷○時○事○風○雲○幻○山○谷○從○來○似○世○情○

送潘又安進京候選



年少河陽古盛名，珥貂亦不遑更崢嶸。保民如赤先  
言養，能吏於今無過清白髮。尚疑歸綠野，尊公將  
雲南青春莫負舊簪纓。天南寶帳叨陪餞，萬里驂騑  
此日行。

送梁五蔡歸維揚，卽入燕都兼寄張叔宜昆

季

又得昆明共酒杯，春風憶別點蒼隈。文章聲氣形  
憐影，天地風塵誰惜才。伯樂不來騏驥去，相如終  
遠漢皇回歸家寄語張公子，先種林逋幾樹梅。

自述



潦倒風塵三十春，低徊世路自嫌身。  
看書老去記無性，落筆機來思入神。  
常向杯中辨賢聖，每於藥內識君臣。  
何時笑讀歸來賦，蓑笠漁樵不厭貧。

和梁五祭別點蒼山次韻

滇西鍾秀點蒼山，招得才人到百蠻。  
我愛石屏三客至，君裁白雪幾篇還。  
地開丘壑雲深處，天上乾坤屋數間。  
節使當時知我癖，一年曾許百回攀。

二

歷遍峯頭遊遍溪，春風如已每相携。  
細尋幽壑崖去宛轉鶯聲愛，日啼  
潭石水疑銀漢落星辰影。



動雪山迷舟梯絕頂何人到曾記當年幾度題

三

挿天屏障最多情翠滴窓前邀出城六月雪畱千

古色三春鳥送百花聲龍潭影落遊魚避蒼山上有龍潭

鳳眼牽人倚石行蒼山有鳳眼洞為愛溪山真趣味那辭

路險不能平

四

十九峯頭百度遊兩番賢主最淹畱失題追悔無

為寺入夢頻登聚遠樓提軍署中聚遠樓裘帶每懷前帥

府調諾提閭閻還憶舊諸侯調郡守蒼山寂寞文



翁去古刹蕭疎幾比丘

五

山自高高水自深每於閑處獨登臨山靈貢我詩

文料酒聖銷人世俗心玉帶

山雲名

九秋雲氣幻蓮

峯

十九峯之一

三伏雪寒侵花時更喜探幽勝秉燭歸

來惜寸陰

六

一山一水劃然分地闢天開便有君風雨夢牽醒

酒石蛟龍氣吐望夫雲謝公着屐遊無度王粲

樓賦不羣兩載相思千里外烟霞魂夢納氤氳



七

最是中峯第一巔當年一川一溷然囊空金帛歸  
無米腹飽雲霞不愛錢神力移來江左去山居結  
下子孫緣畫圖百幅難收盡一日烟巒態萬千

八

萍迹何能定所之點蒼幾次合還離遲迴昆海浮  
家日越想榆城結社時周朴苦吟斑客鬢梁鴻落  
魄老工詩天涯知己難分手那得鸞栖各一枝

元旦

每逢元旦最傷神楊柳無情刺眼新有夢五湖歸



白社無家四海老，青春年衰得句忘。  
偏健愁鬱難銷酒，困人懷欲放時渾。  
未得天涯萬里一孤身。

二

耐愁今日且高歌，經歲傷懷舊已過。  
爆竹此時聲漸少，辛盤昨夜酒猶多。  
祇求字識門題鳳，那喜名傳鼓若鼉。  
九頓上蒼雙鬢白，熊羆切莫再蹉跎。

傷懷

慚愧千秋一息存，風塵何處報人恩。  
孤兒生死未緝，眼亡弟終身恨失婚。  
總為平文忙半世，已錄  
鏘悔無門傷懷，豈獨朱紉斷心事。  
生平孰可論。



二

原髮無端汗漫遊那成一事白盈頭乾坤大義經  
辜負父母終天重未酬空乞世間全性命絕無弱  
息付恩讎詩成聲放妻追問畧說情由淚亦流

再送梁五棻東歸并屬爲予治業結鄰同隱  
吾道艱難合翠微覓人顏色事都非縱令喜怒都  
由我總爲他家作嫁衣彈鋏歌來誰勸駕思鱸回  
去正將肥爲余欸洽淹三月依舊清風兩袖歸

二

君才如海我如潮無賴窮途似伍簫我倦脚根周



地軸君脩翰翮思雲霄人間仙骨身須有爨下桐  
聲誰識焦歸去烟波深臥穩高吟江上破無聊

三

異鄉同調勝同胞君去維揚莫我拋燈下眼花書  
字大老來心死布衣交但憑吾子謀三徑何用嚴  
平問六爻種秣閒田求十畝百年詩酒細推敲

四

半生湖海鑑風濤欲向甘泉隱二毛百歲石金如  
竹我千秋秦晉付兒曹經綸種圃爲長策倚仗此  
鄰住得牢負郭替予謀一畝荷鋤烟雨結同袍



昆明雜咏

昆明臘月可無裘三伏輕綿汗不流  
梅綻隆冬香放滿柳舒新歲葉將稠  
酒摧雪意寒原薄心醉春芳氣欲浮  
莫是風光堪欸客也應故國失歸謀

二

最苦飄零客作冢世間長策是桑麻  
百年心力詩千首隻鬢星霜天一涯  
眼底時流多虎鼠古來棺蓋定龍蛇  
硯田此日租都減八口難支筆有花

三

乾坤歷盡好如憨世味於今已熟諳  
天下極邊誰



井鬼老來終日望江南  
世間顏色憑誰借  
身外烟霞縱我貪  
歸夢醒來仍是客  
五湖風景負深慚

四

少年游俠氣如龍  
輕踏山川幾萬重  
到處人情同禹甸  
空教踪跡破堯封  
無家今古憐王粲  
終日行藏問邵雍  
但得青門瓜種熟  
世間何事不心慵

五

吾生空漫棄江東  
客路悠悠老未終  
星鬢死心紅  
氣短眉頭開鎖獸  
罇中幾時松菊成  
三徑何處烟霞占  
一叢眼底祇看山  
世界餘年生計付天公



六

四每都經昆海遊無端金碧漫淹留  
蓴羹系斷八千里鱸膾鄉思三十秋  
送客每還吳楚去如雲空  
老室家浮歸來羞讀陶潛賦五畝生涯未就謀

七

昆明常放四時花人物風流不是家  
六詔三春該一歲五湖兩鬢負雙華  
浮雲半世都歸夢末路全身欲泛槎  
癡念得隨蓬島客除非不死向人誇

八

漫興詩篇卽隱居思歸不隱欲何如  
亂經半世仕



三○已○老○負○千○秋○卷○萬○書○酒○薄○最○宜○吾○量○窄○山○深○乃  
得○俗○情○除○巨○螯○不○產○昆○池○蟹○况○復○家○鄉○有○鱸○魚○

九

地○極○西○南○天○欲○窮○杳○然○萬○里○絕○秋○鴻○雪○空○銀○頂○金  
陵○異○月○滿○昆○湖○震○澤○同○晴○雨○一○時○分○冷○暖○葛○裘○四  
季○好○通○融○老○來○無○力○供○疲○馬○爲○憶○吾○鄉○舟○楫○工

十

城○枕○陞○山○郭○面○湖○山○川○風○景○畫○堪○圖○好○來○總○是○西  
南○後○夢○去○終○須○龍○虎○都○晚○食○縱○能○無○肉○飽○人○情○最  
怕○異○鄉○孤○輕○裝○但○得○東○歸○便○甘○老○江○濱○一○腐○儒



昆海再逢清明遙祭祖先

風雨清明客極邊每逢遙祭一潸然  
五華空滴招魂酒萬里何能到祖先  
淚向天涯垂白首墳穿狐穴失黃錢  
孝孫未許孤兒引歲歲遐荒聽杜鵑

遣懷

客裏生涯失硯田衰年心事好談玄  
入門惟問牀頭酒出路愁逢雨雪天  
有道到來多衲破無才須避落人前  
終身江左繁華老那識丹砂可學仙

二

天涯何事漫棲遲一任悠悠笑我癡  
有粟脫來畱



上客無錢病至學中醫  
生涯但聽蒼穹與心跡  
難憑世路知每到夜闌  
渾不寐常邀明月照鬚  
眉

贈連隻河

頭顱驚見雪如花幾度  
滇南萬里賒意氣不隨  
人世換鬚眉直欲渭川  
誇誰憐吾道窮天外再  
屈先生到海涯握手十年  
勞慰問張儀舌在幸無  
他

景東太守傅泉庵贈梁五  
蔡兼金且與京邸尊公  
書力爲揄薦有感賦贈

牢落梁鴻昆海涯欣逢  
殷相手援之能將清俸  
分王粲細與家書說項  
斯天地不甦貧士困文  
章得

馮大夫印布衣絕曳侯門居心所到州一武詩



遇大夫知布衣絕曳侯門裾心折荆州一賦詩

○喜晤姚州刺史高且園賦贈

非常喜見恨何遲竟起狂夫臥病時貴賤能忘今  
世上襟懷真與古人期冰心好似千秋鑑墨寶將  
開百代師刺史善指頭畫閉戶十年成懶癖逢君飛動聲  
吾私

謝高且園刺史逢人說項兼以志慨

生平最怕讀離騷百歲心胸一向高那有詩名驚  
世上漫勞才子調文豪性慵合許江湖放骨老難  
攻貧賤牢珍重大夫休感嘆鄙人久與世間逃



文翁高誼薄雲霄此道如今那不佻知已從來千  
古少布衣况乃一身驕世情逢賤違青眼客路無  
錢贖黑貂多病杜門深臥穩老難跪拜折貧要

○寄懷姚州高且園刺史

仙骨爲身雪作腸竒才不獨在文章人能經世真  
名士官到忘私果古狂穰古狂自友道仗公撐宇宙  
臣心如水答君王夢遊每趁鈴川月念我應知見  
屋梁



新詩隨意亦成家寄向蛤川刺史誇筆到興酣搥  
秦嶽淚因知己落燈花剖魚見素人千里明月相  
思天一涯露白風清離索甚晤期曾訂桂生芽

挽王烈女端姐

烈女從來有幾傳最憐閨秀出怡然好同日月獲  
丸潔自與乾坤萬古懸大義死歸撐海內從夫地  
下結天緣柏舟永矢冰操老祖妣貽謀孫更

二

慷慨偏從待字年乾坤間氣毓嬋娟豈傷薄命輕  
於羽自顧終身失所天非市義名沒世後不畱生



面落人前。精靈跨鶴歸垣去。遺得高風萬古傳。

寫懷

我既無家何處去。東歸應亦是飄零。挈妻家泛江湖。老浮櫬。魂難先子寧。開口每逢時輩笑。傷心欲訴阿誰聽。五更每下寒衾淚。魂夢何曾得好醒。

五十自壽

萬里無端半百身。一生懷抱盡風塵。憐無向子謀婚嫁。况乃相如病海濱。白雪又添雙鬢落。青春更見一年新。新家庭當日逢初度。正着斑衣悅老親。



飽經離亂一孤身。把盞驚過五十春。貧士無兒捐  
俗累。天涯有酒自相親。梅開故國誰幽賞。雪上頭  
顛未卜鄰。且自放懷傾百斗。涓川八十作王賓。

予將有東北之遊。畱別同學諸子。

雨色常霾鳥道程。身勞翻覺往來輕。路當難處行  
窮老。雲到深秋薄世情。故友絕書新祿厚。饑人賣  
賦失平生。江湖久白吾雙鬢。一任風塵到玉京。

二

少時豪俠豈徒然。每向西風問遠天。鬚鬢新添霜  
雪落。夢魂還與日星懸。總因吾道艱難盡。輕作同



人離別。綠蟬啾秋聲。行萬里。杜鵑啼罷到幽燕。

寄懷高且園刺史

良臣千古爲民憂。說到君心涕欲流。指下繪圖傳  
不盡。胸中饑溺竟招尤。雪霜欲覆青年髮。風雨懷  
人子。夜秋。但使絃歌多露積。先生此外復何求。

江行懷楊定三

肝膈天涯情最真。亂離骨肉十年親。江山風雨非  
當日。湖海琴書憶故人。姓氏不畱今宇宙。鬚眉應  
避舊氛塵。桃源自古桑麻好。特地孤帆來問津。

浦市泊舟有懷錢翼天



干戈生死定追隨廿載分携此淚垂一自鴈鴻空  
絕域至今風雨繫相思吳鈞會否還鄉國渭叟終  
難老水涯父弟骨遺天外朽最傷心事未應知

二

才大如君數甚竒暮雲春樹苦相思帆邊明月依  
然落此後文旌何所之劔珮浪聞遊楚粵江湖應  
亦老鬚眉滿懷涕淚難言事更得相逢無限

贈汪曰吉

雲山處處絕風塵願結幽居傍故人酒熟醉携三  
徑月芝蘭散兩家春移將八口依知己省得千



金買別鄉莫謂此生同管鮑子孫須自締雷陳

過洞庭

江山未得主人遊抱病孤踪萬里舟  
夢澤氣蒸渾是水岳陽灰劫已無樓  
漫天風雪收湖色一夜君山盡  
白頭如意敲殘燈下雨偏宜濁酒醉無休

湖上感懷

滿目湖光寒霧關涼風颯颯薄衰顏  
愁眉欲白腸中雪故友誰青眼底山  
逐世那逢開笑口此身空得未清閒  
無材擊楫虛舟濟天地於吾數合慳

祭風臺



風聲豈許假天工預識江山鼎足中天地欲將開  
蜀漢東南應助破奸雄臥龍遠害揚帆去彩鳳高  
舉避火攻誰謂周郎真雅量聲聲瑜亮恨無窮

二

格天誠禱武侯壇挫得曹瞞劉氏安皇叔竄身無  
尺土仲謀借力破權奸十千烈焰風爲刃百萬雄  
兵江作棺吳國不思酬厚德翻將唇齒欲崔

三

千秋廟貌未綦蕪瞻拜風流偉丈夫非是臥龍誰  
破魏燒劫劫鬼使忘吳風吹星火漫江焰灰劫樓



船一片無莫謂書生談紙上武侯當日亦吾儒

送丘友入都

知君原是不凡才燕市金臺久待回枳棘已辭鸞  
鳳去書檄頻寄鴈鴻來纔教聚首離筵就更得相  
逢懷抱開比到長安須臘底思予珍重莫成哀

二

一天風雨送君行知我如君別我情緇好算來三  
五日襟分欲去幾千程路當岐處聲都亂人到交  
真淚自橫北道如歸春煖候祖鞭先着有丘生

黃鶴樓



武昌城下水悠悠霸氣全消黃鶴樓正朔幾更新  
宇宙江天不改舊風流道家丰采高華表此地英  
雄盡古坵欲弔正平何處所血飄鸚鵡已無洲

晴川樓

黃鶴剛登此復樓客情何處寫吾憂千秋漢水兼  
天去一閣晴川與地留大別有山還北向長江無  
霸問東流四愁翻起狂歌裏無限風光眼倦收

山行卽事寄滇諸友

悲風搖落萬山哀戶戶柴門尙不開賓鴈却寒從  
北至旅塗載雪自南來頤間白練鬚成織谷口青



陽春未回昆海此時多暖氣吾儕應賞舊年梅

古城聚義廟

古城城郭已成墟劫盡干戈廟貌留一體君臣同  
俎豆千秋兄弟獨風流都能頂禮欽華表誰似丹  
衷到白頭大義自堪昭日月關張生死只依劉

比干廟墓

不逢殷武與成湯死諫狂夫暴更在稔惡難回天  
已去剖心自共日爭光千秋有墓周何在七竅無  
干商立亡箕子為奴微子去三仁獨讓姓名香

岳忠武祠

次王邦楨韻



犁庭雪恥久安排豈料天門伏虎豺成獄莫須秦  
檜手班師畢竟宋金牌兩宮沙漠青衣老百勝風  
波碧血埋割地稱臣羞萬古高宗君相自和諧

又次韻

誰知奸相巧安排那許將軍驅虎豺長舌有情生  
兀朮岳家無罪死金牌千秋到處光禪祀萬古餘  
杭香骨埋總爲當時喜和議不誅元帥事難諧

又次韻

乾坤手欲再安排誰料權奸毒似豺朔漠兩宮昏  
日月軍民百萬哭金牌朝廷從此終須小父子元



勲骨已埋南渡千秋有餘恨金人秦檜自和諧

又

金牌矯詔名元勲南渡江山已夕曛膝下夫妻三字獄亭前父子九天雲繡旗私愛誅元帥丸蠟封章以捷聞從此縱橫無趙宋轅門不叩岳家軍

又

英雄無故殺成仁亘古忠魂氣未伸百戰功灰長舌口一腔血媚大金人何須風浪沉於海却早江山獻在秦將相調和謀北伐中原恢復畫麒麟

又



武官豈肯惜其身不死金家死在秦二帝未還臣  
見殺一門流血宋無人中興曆數終南渡太尉功  
高化獄磷武穆最傷心上事趙家絕祀已爲神

又

秦檜權從金地回高宗豈是漢光才主和旣得邀  
君寵矯詔須能名將來趙宋殺公城自壞父兄惟  
死骨方迴南朝文武多賢達何事區區用禍胎

曹操墓

罪已通天尚欲文欺人墓誌漢將軍貽謀篡弑曹  
殺馬反道權奸周代殷總帳空招魂共樂笙歌那



許鬼還聞銅臺情妓鍾何處誰伴千秋魏武墳

鄭州道上雨雪有慨

桃夭方欲吐風流雨雪霏霏載道周細柳兩堤披

重鎧

柳上冰凍結如堅甲

將軍駟馬自輕裘山多睥睨情難

測

有同行者其心叵測

指挽韁繩直不收最喜龍門能禮士

樽開北海解吾憂

陪李制帥蒲陽自燕旋楚任道由河南舊治

萬姓歡迎卽事并贈制帥

制帥聲名河洛誇當年膏澤遍桑麻中丞顧盼攀

轅地甘雨還隨駟馬車

時制帥乘駟馬車

矢九重新寵



命壺漿百萬舊人家勞心已任誰  
下豈獨憂民  
楚豫賒

旅思雜咏

無端霜雪鬢邊加末路全知客路差  
記得出門英  
子弟未曾歸去老人家幾經世上看  
新樣耐向天涯聽暮笳三徑百年魂  
夢裏五湖依舊弄烟霞

二

且自開懷醉月斜乾坤萬里一長嗟  
病餘瘦骨難  
逢世身外浮雲誰是家老去已將週  
甲子後來那  
更倍年華饒他百歲王侯貴終付冬  
青噪暮鴉



有慨

襟懷常向地天開  
貧自天生賤合該入世易干恩  
性拙乘車漸喜故人迴  
詩書老送生平去富貴原  
須次第來我旣治家如壁立  
那能經國有鴻才

三

無端萬里棄蓬蒿  
未老江湖鬢二毛  
多病偏逢身  
賤後久貧翻覺褐衣牢  
孤踪垂暮憐浮梗  
半世生涯醉濁醪  
慚愧固窮甘養拙  
無才非敢托名高

風箏

篋片何能上九重  
全憑線索逞威風  
起他輕薄飛



揚勢不過兒童戲弄工妝就娥眉  
是牙畫成鷹隼紙凌空一朝震怒  
乾坤動打落塵埃雷雨中

蚊

酸子通身定是酸峻嶒瘦骨每長歎  
豈因心血流香汗惹得靈虫着意鑽  
老去皮膚勞爾力胸中錦繡飽君餐  
不知沾得些清味也會飛騰長羽翰

贈洛陽董友

洛陽才子多經濟况乃風騷亦我師  
醉酒長城狂自嘆逢君退舍服爲竒  
詩從天性流將出交吐心肝不肯欺  
衰病久逃人世外偏於世外結相知



無端湖海得新知百歲金蘭頃刻時貧到周郎作  
有骨氣投董子竟能醫齒年君似吾家弟詩賦予  
須爾後期偏是癡狂都一樣長天秋水最相宜

三

心事雙雙鬢似絲未開一語淚先垂兩人愁病根  
須拔百斛村醪醉是醫相戒老來心省用興高機  
到筆難遲此身異面同情性迂濶何能與世宜

四

桑麻廊廟兩無成雪上鬚眉分外明一世江湖完



老少三秋風雨困愁城獨夫慣病何歸着多子如  
君望後生深感把杯常慰藉乾坤萬古幾番更

五

君才如虎氣如龍不附青雲上九重筆到興酣書  
不及詩因新酒釀成濃聰明透徹同秋月時運翻  
輸一老農若遇風雲還矍鑠班生談笑覓侯封

六

一醉珠璣似湧泉風流越老越狂顛開人笑口東  
方朔信手拈詩白樂天消盡百年窮歲月將來萬  
世作蹄筌前身不是蓬萊客那得於今烟火仙



贈李友

白雪為腸秋水神。青蓮疑再謫風塵。一生活計千  
杯酒。百首長歌十倍人。世上幾番新樣子。江湖放  
浪。若頭巾。相看不厭君。惟我更。有高高月一輪。

雜咏

天地蜉蝣那不虛。任他富貴日乘輿。兒孫滿眼多  
卿相。寶玉如山萬卷書。一自閻羅嚴檄召。九重天  
子莫躊躇。只畱遺臭芳名在。百世千秋不改除。

○二

少年事事占人先。斗酒長歌累百篇。狂了一生無



是處空從萬古欲求全世間貴天爲主心上春  
秋我有權莫道鬚眉堆白雪老來薑桂辣於前

三

如龍夭矯亂雲端意氣凌霄憶少年時運偏逢長  
似夜通靈誰謂臭爲錢衣冠隨世無奇異伏臘傳  
家守祖先種圃生涯活得去但除疾病卽神仙

四

不種新畝不種麻全憑賣賊作氣豪發洩無  
題句天性從來懶作家舉世盡歌薤上露誰人不  
說眼前花可憐萬輩兒孫計一息奄奄兩子拿



五

生平那問家庭事衰病天涯望後人  
賜到友朋空是熱老非兒女不相親  
盡知世上都幻每在生前死認真  
放下風光莫辜負開懷傾倒甕頭春

六

世間癡拙莫如予誰不相嘲是腐儒  
富可力收貧徹骨貴辭人逼賤如奴  
連有當路以資捐縣令相贈予堅不受甘於傭書糊  
那從權要招麾便偏應兒童牛馬呼  
顛倒一生枉未了老來更甚此狂徒

瀑布



何年峭壁成雲漢那處飛來不涸泉長劍劈開山

作兩銀河直下水如懸雪霜古人謂泉為飛龍有詩亂珠散霜雪亘

古無寒暑雷電天湖山有雷分泉又瀑聲如雷又謂之飛電交章動地

天冠蓋自來絕澗谷貪廣州有泉為貪泉廉何必問清漣

重九

重陽三十度南滇故里關心路八千震澤湖光歸

幻夢國山神往欲登巔菊花空自黃三徑鬚鬢他

鄉白十年最是蟹肥新釀熟風流清浴畫溪前

五日

又到天中酒一杯故園萬里獨徘徊向人榴火依



然笑老念江南仍未回多病久荒田有硯牀頭吃  
盡舊無醅從鄰再貰吾千斛醉倒花前歸去來

二

鑼鼓喧聲度太湖三閭千古弔狂夫詩如虎繡何  
須艾劔射龍光不用蒲白眼放歌滄海上青年豪  
興異鄉無故園勝事應如舊但少當時一酒徒

喜晤王雨蒼太守

殊方喜見故人回懷抱今朝得好開病到十分無  
活計貧餘四壁仗君來幾時盡白吾隻鬢每日調  
饑腸九迴剪燭放談渾不寐却辭醇酒百千杯



五日

萬里蒲觴三十年年歸去說徒然醉祈午夢回  
湖上羞向龍舟鬧酒船昆海不須投角黍靈均原  
未到南滇翻嫌一日長如歲續命何勞綵縷延

二

龍舟天外亦喧闐戶戶高攀艾虎懸榴火偏迎人  
面笑鄰兒賣弄妓兒船放歌皓首清溪裏誰和陽  
春白雪篇一自集庭吾弟去絕無得說是顛仙

中秋

今夜無端秋又中又於天外望江東子無半點承



歡處口有微鬚與雪同人世幾回辭未得筆耕仍  
舊迫於窮一輪萬里無情月分外分明笑老翁

























